

续资治通鉴长编

集賢通纂

聖武記卷九

邵陽魏源撰

嘉慶川湖陝靖寇記一

國家經武于乾隆之六十年版輿生齒倍雍正四夷賓服邇康熙外盜則內孽始釁於湖南貴州紀苗越明年授受禮成太上皇帝訓政宣重光而湖北四川教匪旋起蔓延河南陝西甘肅時慧星出西方長數丈逾年不滅來新政之宵旰與五省環攻之兵力且撫且剿猶七載而後定靖餘孽者又二載先後糜餉逾萬金視伊犁回部大小金川幾再倍過之且前代流寇皆發

難秦遼川壘必清未有蠢動于龍豫之餘勞師殫武如今日者心腹患甚四支內訌急於邊陲痛深者其懲切創鉅者其補遺宜昭示起事之顛末與終事之難勦俾後御民者咸知悛朽索戒持盈蓋洪我丕丕基而方畧繁重四百卷士大夫望洋瞠目者宿老將漸盡其昌以詔後故臣於是篇所載廟算將畧兵形地勢特詳云白蓮教者奸民假治病持齋為名偽造經咒惑眾斂財而安徽劉松為之首乾隆四十年劉松以河南鹿邑知教事發被捕遣戍甘肅復分遣其黨劉之協宋之清授教傳徒徧川漢湖北日久黨益眾遂謀不靖倡言劫運將至以同教鹿邑王氏子曰發生者詭明而朱姓以煽動流俗乾隆五十八年事覺復捕獲各伙辜王發生以童幼免死戍新疆惟劉之協遠颺是使跡於河南之扶溝不獲於是存旨大索州縣吏奉行不善逐戶搜緝胥役乘虛而武昌

府同知常丹奏檄荊州宜昌株連羅織數千人富破家貧陷死無算時川湖興貴民方以苗事困軍興無賴之徒亦以嚴禁私鹽私鑄失業至是益警官思亂奸民乘機煽惑於是發難於荊襄遠州騷淫於陝西而亂作也正月湖北荊州之枝江宜都則有聶傑人張正謨等賊起宜昌之長樂長陽應之二月東湖當陽遠安賊起而林之華陷當陽湖廣總督畢沅湖北巡撫惠齡調兵三千勦荊州之賊

上命西安將軍恒瑞領滿兵二千由興安鄖陽進鄖當陽之賊是月總兵富志那擒聶傑人於枝江而襄陽鄖陽宜昌施南荊門州各山賊又起三月襄陽賊姚之富與教首齊林之妻王氏陷竹山保康而施南之來鳳亦陷於賊擾及四川酉陽

上命都統永保侍衛舒亮鄂輝至軍復調陝西廣西山東兵五千會剿恒瑞復竹山四月畢沅奏言官兵先後殺賊不下數萬而賊起益熾

上乃責永保恒瑞以竹山保康之賊畢沅舒亮以當陽遠安東湖之賊惠齡富志那以枝江宜都之賊鄂輝以襄陽穀城均州光化之賊四川總督孫士毅以遠陽來鳳之賊時襄賊焚呂堰驛蔓延鄧州新野合隊攻樊城永保奏言襄陽賊數萬最為猖獗界連河南賊首姚之富齊王氏

劉之協等皆在其中為四方羣盜領袖襄賊破則羣盜自瓦解宜俟諸軍集合力分攻

詔明亮

鄂輝赴襄陽命直隸提督慶成山西總兵德齡各以兵二千會之又赦蒙古竊馬謫犯之在湖廣河南者從軍以助騎隊五月畢沅當陽數月不下惠齡剿枝江賊亦無效屢以大雨為解上切責之而歸州巴東安陸京山隨州咸豐皆賊壘恒瑞永保明亮鄂輝由樊城分攻呂堰雙溝賊

集賊已分投孝感東距漢陽百里幸為大將所隔武昌戒嚴

上以畢沅惠齡預兵久六月

命永保總統湖北諸軍俾先靖襄陽而後分攻孝感長陽兩路時參將傅成明等擊孝感賊遇伏敗死永保令明亮馳救孝感復請調湖南苗鳳兵二萬前來七月陝甘總督宜錦提督慶成破鄭陽之賊獲其首從奏請移陝兵勦當陽會畢沅舒亮已破當陽惠齡已破賊枝江而明亮亦殲賊孝感漢陽始無恐時福宜代孫士毅督四川未行與荊州將軍觀成破龍山之賊於旗鼓寨投出二千餘人福宜請令入城領衣糧盡坑之以臨陣殲戮奏

詔加福宜太子太保及嘉慶四年七月發覺

以殺降邀功被職逮治云八月永保等破襄賊於隨州之紅土山俱會兵鍾祥明亮奏言鍾祥為賊

巢穴宜四面夾攻以防漏網今永保以九千餘兵由北追壓而南路要截之兵止三千餘難杜竄逸

詔責永保擁衆自衛明亮敗賊於土門冲永保復不能夾擊時鍾祥皆襄陽之賊南犯不遂仍

轉而北明亮追敗之復與永保等連擊於雙溝並分兵扼呂堰襄陽防其北逸追至河南界之溝沱

鎮賊分奔唐縣倉臺官兵營頓請增調山東直隸兵四千復簡健銳火器營兵各一千前往九月宣

勇伯和琳卒於苗疆

詔明亮鄂輝馳回湖南惠齡福宜移師柳平以次剿長陽歸巴時柳平賊

林之華與覃加耀合犯滋邱在長陽關南而畢沅防守襄陽河南巡撫景安防禦鄧州是時湖北賊

北惟襄鄧南則歸宜勢漸蹙而十月四川達州奸民徐天德等激於胥役復與太平東鄉賊王三槐

冷天祿等並起初四川有囑匪而無教匪囑匪者金川之役官兵潰於木果木其逃卒之無歸者與

失業夫役無賴悍民散匿川東北割掠為生及官捕急則以白蓮教為遁逃數又湖北襄陽敗賊多
竄入川皆陝楚籍居三之二故一旦揭竿戰門如素習而川東數州縣皆界連漢南大小巴山袤延
千餘里賊巢踞其中四川總督英善成都將軍勒禮善剿之陝西巡撫秦承恩防禦興安皆無敢戾
馳掩其烏合者於是畢沅力請罷湖南苗疆兵移剿教匪

上以賊事未靖不許是月福安觀

成等破賊滋邱賊奔長陽之黃柏山總兵黃瑞以守河疏防褫連治罪總兵文圖成德從征戴罪惠
齡等禽章士潮於枝江亦會剿黃柏山而川賊日熾由太平入險分犯興安之安康平利紫陽十一
月陝甘總督宜綿破賊興安城外移剿洞汝河之賊四川總督英善等亦屢敗達州東鄉之賊東鄉
賊乘霧犯官兵總兵衣國璜何元卿俱戰死而永保會諸軍剿襄賊於唐縣姚之富已分犯襄陽復
渡滾河而西蹂呂堰向先化穀城圍巡撫景安於鄧之魏家集二日官兵始至

上以永保擁

京營勁旅及大兵萬餘徒尾追不迎擊致賊東西橫馳無忌連入都治罪慶成舒亮等戴罪効力

命惠齡總統軍務惠齡奏言襄鄧平行二千里無險詎可合圍且賊習地形必不自趨絕地惟有

嚴防漢江潛渡並堰唐河白河盡移難民於河西守岸團練庶可衛民而威賊時賊分二路每路二
萬餘一姚之富齊王氏等向東南恒瑞等追之一張漢潮劉起榮等向東北惠齡慶成等追之復南
與姚之富合惠齡恒瑞等夾攻於興隆集破斬二千時陝督宜綿亦敗賊漢北並敗漢北救援之賊
移攻漢南之洞汝二河賊已奔入洞河之五作重據險固守我兵乘雪夜遂出後山火其巢鄖陽賊

畧定 詔宣綿赴達州而川督英善等亦擒徐天富於太平此嘉慶元年舉沅永保督湖北宣綿督陝西福寧英善督四川時羣賊初起之事也

嘉慶川湖陝靖寇記二

二年正月湖南苗事畧定領侍衛內大臣威勇侯額勒登保奏移荊州將軍興肇兵四千回襄陽總兵張廷彥兵二千餘赴長陽黃柏山都統德楞泰將軍明亮率兵六千赴達州助勦川湖險三路之賊時惠齡一路惟提督慶成力戰惠齡奏官兵分三哨殲襄賊三千于趙家岡又分五哨殲襄賊四千於淡家岡又分三哨追截禽斬二千餘俘賊首劉起榮餘賊僅數千勢漸蹙而景安擁兵四千屯南陽不出一卒截擊賊窺北面可乘遂三路分犯河南其北路則王廷詔葉縣之保安驛圍官兵於裕州景安與肇尾追之西路則李全田信陽轉應山隨州向確山趙淅川奔盧氏慶成勦之中路則姚之富齊王氏出南陽掠嵩縣山陽惠齡等勦之賊入河南後虜脅日眾不整隊不迎戰不走平原惟數百為羣忽分忽合忽南忽北以牽我兵勢而慶成所追之賊益西由內鄉盧氏諸山進逼武關商雒所至驅脅復有商南新起賊五六千應之姚之富齊王氏皆追及於鄖西連兵西上將由陝入川離河南西境三百里時景安避賊駐軍內鄉賊入陝後二十餘日景安始至而惠齡亦於慶成收復十餘日後始抵鄖西慶成約恒瑞夾擊於漢北恒瑞以新有秦賊辭又阿爾薩即奉檄赴鄖西亦逗留不至俱奉 旨詰責御史宋澍奏惠齡秦殲楚賊不下數萬何以至今連聚景安防禦南

陽道年何以任賊橫行秦承恩近屯興漢何以武關全陝門戶曾不設備豈非各分畛域懷觀望乞
專簡大臣督師三省庶呼應靈而事權一四月 詔責諸將曰去歲邪教起長陽未幾及襄陽未

幾及巴東歸州未幾四川達州繼起至襄陽一賊始則由湖北擾河南繼且由河南入陝西若不亟
行掃蕩非但老師糜餉且多一日蹂躪即多一方瘡痍各將軍督撫大臣身在行間何忍質無區畫
若謂事權不一則原以襄陽一路責惠齡達州一路責宜綿長陽一路責顧勅登保福寧若言兵餉
不敷已先後調禁旅及鄰省兵數萬且撥解軍餉及部帑不下二千餘萬昔明季流寇橫行臂曲關
宦朋黨文恬武嬉橫征暴斂厲民蠹虐今則紀綱肅清勤求民隱每遇水旱不惜多方賑恤且普免
天下錢糧五次普免糟糧三次蠲免積逋不下億萬萬此次邪匪誘煽不過烏合亂民若不指日肅
清其何以尊九重而服四夷其令宜綿惠齡顧勅登保等各奏用兵方畧及刻期何日平賊并賊氛
所及州縣若干難民歸復若干瘡痍輕重共十分之幾善善安卹以聞旋 諭河南被賊最重之

十五州縣免兩年應征錢糧其間被蹂躪之五縣分三年帶征其旁遭饑軍需之二十三州縣分二年
帶征自後川陝湖北屢年蠲卹視此不悉書時姚之富由商州犯孝義廳地通藍田為入西安要路
秦承恩扼秦嶺禦之惠齡慶成由山陽追擊賊南走鎮安與李奎王廷詔合掠洵陽安康時官兵鄉
勇已守漢岸柯潘亦防禦洵陽賊不能渡漢將由北岸直趨漢陰石泉渡上游以合川賊惠齡等約
恒瑞夾攻於黃龍賊轉戰一晝夜殺賊三千賊復東西遁恒瑞東追惠齡西追柯潘秦襄陽賊分

路前來臣防守興安府城兵止二百其前所調赴漢中還擊之回兵二十為督臣陸有仁檄止至今未至惟急催秦承恩惠齡等速進會剿

上嚴詰陸有仁逮至京

命英善馳督陝甘宜綿

移督四川而襄賊一路已并為一由漢陰至紫陽奪船渡漢後五日惠齡始至恒瑞尚未至

上震怒詰責惠齡恒瑞秦承恩慶成柯藩等追賊不力防漢不嚴盡奪世職孔雀翎戴罪効力

命宜綿總統川陝軍務惠齡等悉聽節制時漢北已無賊其防堵各兵分赴漢南追剿并

命湖

廣提督劉君輔移兵竹山竹谿以備大宜川賊入楚六月襄賊既渡漢復分三路入川其兩路由通

江入巴州欲合方家坪羅冉等賊其一入太平城口欲合達州大宜二賊宜綿奏言官兵利合不利

分賊利分不利合且川楚賊雖同教黨各不同計三賊必各據一隅以牽制我乃議分兵三千令德

楞秦追剿達州逸賊而自同明亮率大兵赴中河後河會穆克登阿柯藩先剿通江東鄉兩賊再赴

太平城口與惠齡劉君輔兩路會攻并檄惠齡留兵四千守陝界防其回竄時襄賊每軍先後分數

隊且戰且走以綴官兵宜綿柯藩兩軍遇賊賊皆不迎戰即越山遁散則匿署聚則據險日數變適

明亮截其後隊惠齡慶成等騎兵截其前隊各有斬戮而太平城口之賊王廷詔等因鄉勇扼其赴

大宜之路亦折而南分屯前河及開縣城外適德楞秦追徐王二賊亦至前河與中河後河之襄賊

相近四賊約會一地雖達賊屢敗後止餘二千而襄賊數萬宜綿令穆克登阿柯藩道援德楞秦會德

楞秦方擊徐天德等於白秀山楚賊三隊合兵來援突出山溝分青白藍為號步賊前騎賊後鏖戰

逾時始分屯山岡延亘三十餘里是夜宜綿明亮慶成柯藩等兵皆會次日復戰各殺賊數百賊復還開縣惟李全與徐王二賊合屯溫湯井與太平城口之賊合姚之富等大隊俱屯南天洞各首逆皆在焉乃分兵勇三十令副將長春劉溫湯井而大軍分趨南天洞各賊惠齡舒亮亦自後河城口馳至三面會攻適屢獲王賊知襄賊惟李全留川其餘將盡還湖北乃檄沿漢江之船盡移上游賊以官軍扼其北竄乃分犯大五雲陽萬縣號召邪黨而東宜綿遣兵分防要害而明亮德楞泰等躡賊後各路兵齊抵雲萬交界賊據山巔官軍四面進攻斬賊千餘其雲萬間新起響應之賊或千餘或數千官軍乘時撲滅襄賊分二路一王廷詔等由夔州將西合大五賊惠齡恒瑞慶成等遣之一姚之富齊王氏直犯夔州明亮德楞泰使總兵達音泰先據白帝城賊來爭先以三百騎嘗營而伏賊數千於山谷出突官兵奮擊卻之賊夜復圍攻甚急明亮德楞泰親馳救始退次日三路直犯大營皆持盾以捍矢銳不退我兵乘礮勢壓下短兵格戰斬首數百賊復回突白帝城乃截殲其前隊五百其後賊三千餘猶然炬夜攻更番迭戰四更始敗下趨巫山又有新起賊應之達音泰馳往營城外賊兩路各數千且戰且攻城卻而復前者三明亮等乃留興肇守寨而率大軍援巫賊復走歸巴明亮等聲言由陸馳追而登舟東下七月四日至巴東則賊已在隔江江北歸州無城垣姚齊二賊方屯巴歸之界而後隊賊王廷詔等萬餘復至焚掠巴東對岸之石門聲言欲南渡攻縣治明亮等信之回軍攻石門賊先克其三營斬賊數百次日復進攻則全賊已竄惟留十賊於後以綴官兵未

戰即走且謀報前走歸已交界之賊已乘間陷興山兩路賊約會宜昌荊州同赴襄陽乃接興寧守
歸州而德楞泰由水路徑趨荊州明亮由陸赴宜昌約夾剿於當陽時襄賊自入川與達賊會後復
有新賊響應眾頗數萬分兩路還楚首隊齊王氏約二萬餘由興山保康趨南漳以回襄陽後隊王
廷詔趨當陽遠安向荊州湖北巡撫汪新遣兵一守房縣保康以防襄一守東湖當陽以防荊并調荊
州滿兵守萬城隍以防盜決而大兵後塵并檄各鎮將據險驅偏入山合圍掩擊又奏言襄陽為南
北衝要各賊盡還湖北其在雲陽開蕩間者不過新起附從之黨目下大兵雲集而分防兩省州縣
已約二萬餘其備戰之兵川省則惠齡等五千餘舒亮五千餘百祥朱射斗四千餘觀成劉若輔三
千宜綿二千及新調甘肅兵二千回兵五百具在湖北者惟額勒登保等七千明亮五千已調湖南
苗驢兵千餘助之並乞

飭催所調東三省兵速赴襄陽時

詔發吉林黑龍江索倫兵三千

令侍衛惠倫都統阿哈保以木蘭進哨兵百餘為先鋒并解察哈爾馬八千匹赴河南湖北時襄賊
分二路王廷詔聲言向荊州明亮等連破之宜昌遠安城外復扼荊門州以待之王齊氏等向襄陽
總兵王文雄擊於南漳賊佯退次日復倍道分進由宜城鍾祥北走襄樊

詔景安赴樊城漢江

戒嚴八月襄賊分三路皆北犯每路相距百餘里明亮等邀擊宜城東北適阿哈保等統進哨兵至
自北夾攻追奔二十里賊竄入山初荊州城外十五里之沙市水陸輻輳向無城垣聞賊警逃散一
空自是文武捐集夫役于南面臨江樹木棚而東西北三面周十餘里築堡環濠捍衛此外衝要市

鎮一律仿修其襄陽對岸之樊城亦以無城猝遣楚掠畢沅汪新屢議修復未果近亦於東西北三面舊址築土堡而沿江樹柵故此次賊逼襄陽潛謀偷渡居民輯以無恐其漳宜二路之賊窺荆襄不遂復折回房竹傳走陝西欲引官兵還入山而乘間北渡漢明亮等擊茨河鎮賊分路來犯馬步約七千官兵分據山岡夾攻斬賊千二百時漢防甚嚴賊不能北渡復西竄前隊掠白河洵陽愈追愈西明亮等邀擊於羊郢西勦騎五路衝之奮斬二千餘賊蹈溝內積尸而遁惠倫及豐伸布戰死九月前留川之襄賊李全復自巴州與王三槐分黨欲出陝舊路還楚沿漢東走慶成登舟下漢以遺其前恒瑞惠齡由陸躡其後來攻賊於荊陽復礮退賊騎涉漢者于汝河慶成遂一晝夜抵興安時東西兩路賊相會於興安南岸而惠齡恒瑞及明亮德楞泰兩軍亦先後追至會剿諸將議以賊東竄不遂必渡漢而北乃令柯藩以兵千五百助秦承恩守興安惠齡富成以兵三千循漢南而西與明亮等夾擊時竹山竹谿鄉勇各萬人殺賊有功

詔發花翎五藍翎十命景安分賞出力

者自襄賊起事騷擾皆在湖北及賊由川還楚入陝復經漢南之宜昌荆門安陸襄陽鄖陽焚掠十八州縣而房保二竹瘡痍尤重又長陽一賊由施南奔巴東往還蹂躪幾千里

詔分別蠲卹有

差明亮德楞泰奏言臣等自楚入陝所經村莊皆已焚燼蓋藏皆已搜劫男婦皆已虜掠自不忍見已擾者固宜安卹未擾者尤宜設防查各州縣在城之民有城池以保障是以賊匪皆不攻城其村落市鎮僅恃一二隘口鄉勇或遠不及防或則遺失守倉皇逃避不但衣履盡為賊有且備衛之火

約器械反以藉寇而資盜而各賊所至之處有屋舍以棲止有衣食火藥以接濟有驛馬肩輿以奪
騎更換有偏脅之人為之鄉導負運是以自用兵來所殺無慮十萬而賊不加少且兵力以保城為
急則村市已被虔劉以保荆襄為急則房竹安原已難兼顧為今之計欲困賊必須衛民莫若飭近
咸州縣於大鎮市勸民修築土堡環以深溝其餘因地制宜或十餘村為一堡或數十村為一堡賊
近則更番守禦賊遠則乘暇耕作如此以逸待勞賊匪所至野無可掠夜無可棲賊無可脅加以大
兵乘壓其後殺一賊即少一賊滅一路即清一路近日襄陽紳士梁有毅等築堡圍守賊屢攻不能
犯此保障之成效至川東各屬多有險峰山寨祇須令鄉民臨時移守其中一如守堡之法予以禦
賊安民必可刻期撲滅奏上雖奉 旨以築堡煩民不如專擒首逆而堅壁清野 議實始此又

詔曰昨已令勒保馳督湖廣宜綿亦本為總統但勁兵健馬俱在明亮德楞泰一路其所剿姚
之富齊王氏二賊尤賊中首逆朕所瞻望惟明亮德楞泰二人不得因有總統總督稍存觀望此外
四川賊王徐羅冉等責成宜綿巴東賊覃加耀等責成額勒登保大盬老本固賊陳崇德責成觀成
劉君輔安康賊李全責成惠齡恒瑞慶成各辦各賊原不相統不拘何路擒賊即此路將帥之功何
路養賊即此路將帥之罪其各自為戰十月姚之富李全出平利分道而南欲引明亮德楞泰大軍
入山而王廷詔等由安康北犯興安適惠齡擊卻之復追擊於漢南山內先後擒斬二千餘賊不得
渡漢復奔紫陽石泉乃使恒瑞以兵四千還漢中與宜綿夾勦其明亮德楞泰所追平利之賊日夜

長驚向大寧以劉君輔兵勇扼雞心嶺斷其去路折回鎮平迎敵大軍明亮德楞泰以精兵陳峽口而伏兵左右山勁騎衝擊斬賊千百并伏兵各路山溝均斬數百又扼澍河口走路賊合屯高垣保險不出乃佯撤澍河口之兵設數伏而官兵他道偏之賊萬餘果趨澍河口伏四起衝賊為五首尾不相顧斬賊數千轉坂下竄者三千餘涉河入箐者千餘初賊之入陝楚也每路皆構齊王氏姚之富以煽眾及是詰知姚齊二賊已入安康賊隊而此路則張漢潮等六賊已殲其二餘賊三路狂奔所過皆剽道壞梁礪木石官兵亦贏糧塞阻窮日分躡及之繼子坪賊復合為一將及惠齡所追前賊為恒瑞敗諸西鄉而惠齡兵由漢南追襲值後二賊復至惠齡慶成伏兵堰口左右而陳騎兵於山岡俟賊前隊過半聞砲起衝賊斷為數隊斬殺無算賊復奔入山十一月明亮惠齡等復約殲賊後隊一千於白沔峽幾盡而姚齊李高張王諸首逆已均合於前路踰大巴山連營二十餘里分隊迭戰更番在前姚之富齊王氏為一軍王廷詔高均德為一軍李全獎人傑為一軍張漢潮劉永泰為一軍以川北路險人烟少難虜掠欲回陝楚富庶之地且沔沔以上漢源愈淺冬涸可涉諸將遣兵扼褒城棧各渡口擊賊半濟截斬千餘又合攻賊南岸山內奪斬二千餘賊盡西趨沔沔官兵夜伏沮水市令回兵假鄉勇旗誘之而官兵兩山壓攻追斬三千又破斬賊二千於寧羗州城外賊復走長秦渡口通索倫勁騎甫抵漢中與太兵夾擊反奔山箐我軍舍騎分追入川盡獲漢北防兵於

漢中川北十二月更試因漢中大兵雲集不能北竄復分道入川明亮大軍趨通江惠齡等繞入太

平還其東竄賊分路誘大兵入川其高均德等即間道折回宜羌陝界官兵還之伴向廣元與川北賊合誘官兵東南而來間踰山北趨廣元棧道明亮等以東北之黃柏埡為入陝要隘乃分兵護騎重伴向獨山而引精兵馳伏埡口賊果長驅入隘突起截殪千餘賊分竄入菁北走宜羌明亮輕騎逐之於廣元城外適德楞泰追齊王氏至會攻於黃壩驛乘銳追入山內復折回廣元宜羌而高均德已竊渡漢北明亮等議以賊情則齊王氏首逆以地勢則高均德將東趨興安擾豫楚而景安泰承恩防守步兵不能馳擊遂舍齊王氏率大兵八十馳赴漢中

上大怒責明亮德楞泰等

就輕墮賊計使齊王氏等來間北渡盡奪世職紫韁孔雀翎戴罪立功其四川之賊自正月初達州徐天德王三槐合陷東鄉害副都統佛住以下復結巴州賊羅其清冉文儒等圍據周家河梗運道二月宜綿乘其未合先為疑兵于周家河阻其前進而夜襲賊張家觀縱火夾擊遂復東鄉其出援之賊悉奔清溪金莪寺眾合萬餘據險通明亮德楞泰新自苗疆至會剿乘雨宵濟清溪上游襲潰冷天祿之寨即回攻王三槐於金莪寺其左埡柵又破徐天德來援賊數千四月官兵五路會偪賊巢王三槐徐天德等分路突竄入重石坪香爐坪尚不下二萬將與巴州之王家寨方山坪二賊合宜綿奏調宜夏西宜兵老回兵各二千兩廣兵四千赴達州先遣兵扼二賊合從及回巢之路而與明亮德楞泰分路進攻適巴州二賊齊出撲營百祥間道潛火王家寨賊回救官兵夾殲之並敗達賊之來援者宜綿以賊德知縣劉清使清詣冉文儒賊巢諭降復偏入王徐羅豫各寨於是王三槐

遂至大營宜綿厚犒之使回巢諭眾是夜王三槐率三千人詣壘詭降將襲營官軍知其詐擊破之而奏言至軍者實非王三槐云五月連賊聲言南走而五路犯營官兵先為備以待復大破之王三槐中槍墜馬跳免是月宜綿嗣統總使德楞泰攻重石坪明亮攻香爐坪德楞泰攻賊半日賊木石將盡奮奪寨門縱火斃賊二千餘其香爐坪賊見左寨火起亦驚潰圍而火之無免者賊乘夜由西面層巒竄逸兩路追擊復斃賊二千餘先後奏殲賊萬餘六月進圍賊陳家壩賊傾巢犯門不辟銃礮侍衛西津泰陷陳賊披靡官兵乘勢奮擊鄉勇羅惠舉等由山後壓入賊營三路殺賊二千餘賊分二隊竄王三槐徐天德竄而西明亮等追之孫士鳳竄而東德楞泰追之殲孫士鳳於糜子壩并擒各逆家屬孫士鳳者四川教首王三槐等皆其徒也復進圍二賊於徐家山賊乘霧竄追斬數百時徐王二姪僅存二千餘其方山坪賊亦屢為百祥截其出路舒亮等圍困林亮功於巴州白崖山而觀成劉君輔亦破大寧賊數千於九龍池進圍之老木園川賊漸蹙而閏六月惠齡所追襄陽賊數萬分道入川與羣賊響應復猖獗於是遣總兵朱射斗助百祥攻方山坪而明亮德楞泰皆移軍追襲賊由雲萬東赴湖北時雲陽新起賊方正潮率黨三千入楚賊內而留其後隊四五千伏陳家山要隘約合擊官兵盡為鄉勇羅惠舉用白旗誘之下山陷伏中一舉殲滅穆克登阿亦破林亮功於萬縣其大寧老木園之賊聞亮賊入川望外援亦日夜突圍會齊王氏卻回湖北惟李全留川合

王三槐八月為巨寇惠齡截回通江將赴方山坪羅冉二賊二賊亦屢潛出焚掠巴州通江為應宜

綿令知州劉清率鄉勇萬餘及百祥朱射斗會剿方山坪數路並進使賊不能相顧而劉清募勇由
間道遶後山頂壓攻火其寨於是各隘齊破合搗逆巢賊潰竄巴州與王三槐等合時李全亦回陝
宜綿使百祥等扼通江竹峪關防川賊竄陝之路而王徐等賊本無意離川但銳意欲斷川東川北
運道以困官軍王三槐先窺巴州江口糧臺劉清使鄉勇羅思舉扼橋斷之而據山與官兵夾攻殺
賊八百並走羅冉二賊之來援者逾數日賊復合犯巴州據對河盡斷援兵州惟土垣外環木柵兵
民退保州治後山賊遂據巴州欲從儀隴南部分犯保寧達州奪運道總督英善馳赴廣元賊不敢
向保寧遂合隊犯營山偏嘉陵江川西戒嚴宜綿使劉清以鄉勇扼江口防其回達州之路檄百祥
保寧兵迎擊而前賊退屯營山之黃渡河為巴達渠水路要地與官兵相持不退而旁掠儀隴渠縣
虜脅日眾而翻川復有新起掠萬縣之賊官渡口有欲掠糧臺之賊奉節有新起應曰厓山之賊宜
綿奏言近日惠齡恒瑞明亮德標奏諸將皆入陝惟臣一人在川各賊齊擾川東北運道嘉陵江防
孔亟欲赴保寧則川東千里無人調度請別簡大臣總督地方而已親督師專一辦賊
赴川代宜綿總統軍務宜綿督四川兼理軍需又言賊起以來徵調官兵四川調至一萬九千
有奇陝甘合調二萬有奇湖北湖南更無餘兵可調雖奉
旨令各省有補募止資彈壓雖欲剿
而州縣團練鄉勇各衛村莊尤難責其最驅赴敵目前賊勢如明亮德標奉統兵襄陽則即賊竄入
興安宜昌賊折回襄陽況雲陽奉節新起伏莽之賊皆多與有日分日薄乞
敕令各省于新兵